

孝烈
殉
出

巡
記

附

軍府總裁
各軍官長
素佐實文



李協和先生偉像

弁言

膏梁人所旨雖沁膏肓不之病沉淪所至有胥溺焉辛亥以還風雲起滅細
政黨軍閥爭爲長雄或相爲狼狽至親若昆季且兢以干戈相角逐營苟外
無思想已不知有法律遑云國家甚者假標幟爲私圖驅吾民於水火悍然無復顧忌八年
來紛擾胥基於此此君子所深憂也武寧李公再造共和兩靖粵難豐功偉績彰彰在人然
乃鞍馬倉皇席不及暖者立人心之大防範國家於正軌剪伐偏私尊崇法律欲臻治于上
理而尙未克如其意殆天之所以降大任于武寧歟當會澤之電令兩師由滇直轄也武寧
固以諸將罔不奉承維謹苟不有踰越範圍獎掖偏私毀棄法律戕賊國家之舉動紛沓相
乘亦何取乎跋涉至於膏肓沉湎網紀蕩歎勞勞行李間儼然以干戈相角逐固亦爲武寧
所料及而不意其狼毒若是之甚也武寧夙嫻兵畧經驗尤深各將士鋒鏑生涯精神亦萃
魔竭雖衆如武寧何天嘯追隨戎馬欲舉聞見筆之於書質於余余惟出巡之舉基於酷愛
和平之心顧涉歷所經或不免于出入泚筆記之使輪號鞞鼓聲相躍紙上如響應試潛心
洄溯當有瞭然于機事之端倪與武寧之心迹不勝其世道人心之感者則出巡記之作又
烏可以已讀者勿僅作戰史觀斯天嘯之所祝而余之所欽也已

民國九年

月

日

宜丰熊公福序於嶺表寄廬



(一) 出巡之緣起

二月十二日參謀部接到雲南唐督軍庚電文曰廣州李參謀部長鑒請轉駐粵滇軍各師旅團營長鑒滇軍自護國護法以來保障共和維持國本宗旨正大聲譽孔昭此皆諸將士百戰功勳所宜鄭重保持罔敢失墜者繼堯不敏忝總帥干夙夜懷念諸將士之勳勞誠不忍長此暴師於外然起視國家內難未靖外患復迫恆欲藉羣材之力伸救國之懷以竟將士年來未竟之功保死事諸先烈屢戰所得之聲譽區區之誠所不敢一日遠息者惟此而已苟國家有人翹然特起提救國之師造回天之業固繼堯所禱祝以求乃希望年餘時局之混沌如故和既不得戰亦未能醞釀遷延靡知所屆滇軍素抱救國熱忱有善戰聲譽之師旅尤宜淬厲整練及時以爲之備今北方征服西南之計畫未嘗稍衰盜賣國家之陰謀日益暴露此時非設法防制必貽禍於將來乃政黨自便私圖惟日冀和議速成或不惜爲北方所利用以懈我軍心我堅強不屈之滇軍當不致爲政黨所左右惟爲保持聲譽計不能不與諸將士一言諸將士出師遠征繼堯苦未能常加勸勵惟參謀部長李公協和屹立於各黨之間持正不阿久爲一般人士所敬仰在軍府爲繼堯代表尤爲此間深所倚信之人且屢率滇軍兩靖粵難與諸將士共同患難樹立光榮情誼相關尤極深摯以後如有時局疑難問題關於滇軍動作及一

切事宜務希諸將士隨時請示協公以端趨向特電諄囑望留意焉繼堯庚印

十四日復接雲南唐督軍通電文曰萬火急分送廣州軍政府岑總裁伍總裁莫督軍李部長武鳴陸總裁鑒前奉政務會議巧電開請由各省督軍省長及省議會各選代表一人尅期來粵組織建設會議當經復電贊同查此項代表係籌議建設國家根本大計必須才識闊遠聲望卓著之人方能勝任愉快茲特派李根源爲雲南督軍署代表已電令尅期蒞會惟會議貴重事繁必難兼顧他項職務前委該代表充靖國第六軍軍長名義應卽解除軍司令部應卽取銷其駐粵滇軍卽直隸敵處管轄并就近秉承參謀部李部長烈鈞辦理除電達政務會議分別電令外特以奉聞繼堯蒸印同日參謀部連接蒸電畧同但加駐粵滇軍兩師事務已責成鄭朱兩師長暨各旅長認真整頓并電令歸由執事指揮除專電李代表並分別咨令外卽希查照並轉飭滇軍兩師遵照等語

十五日李部長以疊奉唐總裁庚蒸兩電卽召所屬部員集議以滇軍自丙辰相隨東下於今四年戎馬疆場時相聚處艱苦患難輒復同之實屬休戚相關詎非泛泛既承唐公委託自不得不勉任匡扶爰將庚蒸兩電刷印公布並卽分別函電軍府

國會及各機關並訓令駐粵滇軍兩師旅團營長等遵照

十七日參部接到李根源刪日通電遵解除莫帥委任靖國軍第六軍軍長名義並取銷滇軍

總司令部併辭莫督委任督辦粵贛湘邊防軍務及南韶鎮守使兼職同日復接到莫督軍銑日通電挽留李根源督辦及鎮守使兼職但查李根源自奉唐督蒸電後即與嶺南道尹楊晉密謀反抗已先於寒日用滇軍師旅團營長名義通電一致推戴籲請李督辦統率本軍在震旦新報發布傳單而滇軍鄭朱兩師長楊張魯盛四旅長亦迭有真元兩電矢志服從唐督命令及寒刪各電辨明寒電係盜竊名義變亂黑白淆惑觀聽該師旅長等又查報李根源乘第五旅旅長盛榮超來省請李部長面示機宜之際密遣心腹誘說二十五團團長趙德裕十一團團長何福昌許以旅團長位置趙何二人竟爲利權所動遂叛附之何福昌當將十一團團長洪錫齡中校團附周欽賢二員縛解送粵督軍署禁錮且濫殺滇軍官長多人一時軍心惶惑輿論大譁李根源益倒行逆施撤換師旅團長請莫督爲之檢查郵電遮斷交通自十四日起卽紛調桂粵各部隊分赴北路各屬駐紮廣州護法之區一時竟風靡鶴淚矣

部長致莫督軍函

敬啓者迭次函咨并託伯器木迪兩兄面陳衷曲知邀垂鑒至爲心感茲復將雲南督軍唐公蒸電抄陳尊鑒我公老成謀國砥柱橫流處事處友不倚不偏爲鈞夙所欽崇駐粵滇軍兩師將領久依仁宇復荷關垂亦素敬仰唐公坐鎮邊陲與我公提携建國神交已久我公爲滇軍駐在地高級長官唐公爲滇軍直屬最高級長官應如何維持綱紀之處尙祈我公

酌之鈞病未痊不能趨謁謹貢本衷以當面晤。

朱師長致督軍函

奉寒電甚增感想滇軍在粵數年託庇宇下對於地方長官久相尊重迭次討龍援贛亦罔不依照靡下計畫協同各友軍動作稍効微勞至師長等對於印公由來敬仰此次印公雖卸滇軍總司令之責師長等夙受提撕固仍以長者相待未或稍易初衷也惟滇軍系統素秉承雲南督軍唐公命令辦理今既奉唐公電命兩師直轄雲南由李參謀部長協公就近指揮自應遵從更何敢別有異議軍隊首重綱紀靡下久統重兵知必樂聞師長等尊崇長官命令而爲軍界作一模範也

十八日李部長接有軍府內政部商議由彭總司令凌霄携送贛園磋商調和條件七款一歸印泉軍隊由印泉編制二歸雲南軍隊由莫督會商協和編制三以上軍隊實際上各歸各管轄表面統屬於大本營四餉項由莫督明白劃分五歸印泉軍官由印泉位置歸雲南軍官由協和會商莫督位置六以上辦法由莫督及協和分電雲南說明七由莫督協和印泉各分電所屬遵照辦理部長當謂此種條件微特非余權限所屬不便答復君亦不當携來旋彭君再三請求答復始以局外調處之意公允答之如下滇軍名義不換更兩師名目亦仍舊某某等軍隊編爲第三師某某等軍隊編爲第四師旅團長由大本營電商唐督委任再由大本營加

委以上軍隊統系仍歸於滇受大本營直接指揮受莫督軍節制餉項由印泉斟酌得第四師官長同意呈請莫督明白劃分兩師駐紮管區會同商定分別致電雲南等語囑彭持返彭翌日來謂諸友以公所開條件尙屬允當當然商照正討論間而督署改編之命令已下滇軍將士憤極謂李根源夙謀叛滇軍府託名調和又主將兩師分割以一部歸李根源以一部歸李部長而部長則認定滇軍兩師唐督蒸電分明收歸直轄託余就近指揮名義總須完全歸唐督方爲正辦適滇軍師旅團營長復奉到由港轉來唐督電令文曰查第六軍軍長李根源業已電令解除名義委爲建設會議代表迄尙未據電復顯係違抗本督軍命令諒在粵滇軍各將士素明大義斷不至爲其所惑倘有奸徒附從違抗卽拿其家屬盡法懲辦設因服從本督命令被李根源殘害者自當從優撫恤其家屬并嚴拿助逆之家屬處以極刑爲抗命者戒本督軍言出法行決不姑寬爲此電令仰卽遵照并聞另有電致伍林兩總裁請主持正義云

二十一日李部長在贛園親擬一極誠懇純摯之函託蔣次長彭總司令攜見李根源代爲開導終不省悟反恃有奧援竟將贛軍因公赴英德之人員指爲匪徒飭屬嚴拿監禁復將駐韶州之滇粵桂聯軍重跑隊士兵一排并留韶軍械處衛兵一排繳去槍枝種種舉動視部長若仇敵復以省會軍隊監視滇軍在省各部隊甚至干涉部長行動又江防司令部忽調砲艦數艘停泊於參謀部門首江中顯示威脅韶州方面魯旅長子材亦窺破李根源陰謀亟馳往南

雄立將李之心腹三十六團團長周汝康撤換以營長楊青普升充并將全團開拔始與與楊旅長益謙所部三十三團聯合所有韶始交通盡被塞截其分駐四會廣寧張旅長懷信所部又被肇軍圍困三方面聲息不通鄭師長開文朱師長培德盛旅長榮超均請部長面示機宜二十二日參部接到莫督軍濛日通電果將兩師部取消照李根源呈請編制僅餘第三十三團及三十八團未編斯時贛園電話亦被截斷往來汽車又有須行檢查之通知日日言詞和而種種無理逼人之事日益加甚李部長迭平粵難職掌軍機名位尊崇尙且如此受逼其散駐各地之滇軍將士更可想見萬一忍無可忍激成大變地方大局必受鉅大之影響李部長審察趨勢爲尊重唐督軍付託撫慰滇軍將士並維持地方治安起見故決定親自出巡

(二) 出巡之涉歷

二月二十四日李部長命周高級副官氣銳爲行營副官長密諭挑選得力參謀副官數員隨節出發令在省各部隊集中龍眼洞附近待命由贛園通龍眼洞之電話亦同時加設另擬就出巡通電蓋章留發文曰火急廣州軍政府各總裁各部長各省各軍代表參衆兩議院議長暨議員諸公莫督軍沈總司令陳師長桂軍各將領各鎮守使滇軍各師旅團營長各督辦南寧陸總裁譚督軍陳舞琴先生雲南唐總裁周代省長各軍長貴陽劉督軍王總司令成都熊

督軍彬州譚督軍趙師長漳州陳總司令黃岡呂督辦詔安方會辦均鑒烈鈞前奉唐總裁蒸電派李公根源爲建設會議代表將駐粵滇軍兩師收歸直轄託烈鈞就近指揮等因當經分咨軍府海陸兩部並廣東督軍在案各師旅長奉唐總裁電令之後亦以先後表示絕對服從唐總裁命令並尊崇地方長官在案乃數日以來李公根源雖一面通電辭職復一面撤換官長緝拿團營長數人竟有監禁槍斃之事雲南爲李公桑梓之地兩師將校多李公疇昔學生乃以服從滇軍最高級長官命令之故而反遭壓抑至受毒刑其表面雖云調處仍是派兵壓迫軍府總攬戎機如未之聞烈鈞忝長參部何忍再言綱紀滇軍將士雖能忍痛含辛萬一憤激表露卽恐影響地方雖調處安慰軍府與督署固自有方而國難未靖內部糾紛究非西南之福烈鈞前已告誡諸將士嚴維秩序和睦友軍惟處事無慮周詳撫膺敢忘責任茲爲維持紀律協保治安起見卽日前赴兩師駐紮管區巡視撫慰北庭無講和誠心出師仍未可緩所望軍府諸公早商大計俾迭次屠龍援贛協固粵局之滇軍將士得以早赴前敵藉副平昔所擁護之國會軍府與愛戴之最高級長官並地方長官之厚期則幸甚烈鈞此次出巡頗需時日所有參謀部長職務卽懇軍府指令蔣次長專葢代理不勝感禱之至倚裝陳詞諸維鑒諒是日親率內衛隊抵龍眼洞

計隨從出發兵力及高級幹部職員如左

旅長盛榮超重砲隊司令何子奇副官長周氣銳秘書楊述凝熊公福中校隨員張弛少校參謀何燮桂上尉副官陳紀方羅翹秀崔巍鍾士英中尉副官王芝蘭閔壽松朱震軍醫處長侯澤民中尉差遣趙靖謙朱兆元張燮爐阮炳燊錄事吳鑫黃鯤測繪員鍾烈准尉司藥王棟警衛混成團

團長李明揚

步兵第壹營 營長卓仁機

步兵第貳營 營長陳金瑞

步兵第參營 營長李守眞

砲兵連 連長李師愨

機關槍連 連長吳起鵬

工兵一部

輜重連 連長李雲廷

內衛隊 隊長楊文田 警衛長徐保國

演 第四師司令部軍士大隊

隊長陳學順 隊副長謝伯英

二十五日 部長復命各部隊編組如次

警衛梯團

梯團長李明揚

第一支隊 長陳金瑞

步兵第一營

山砲一連(缺砲一門)

旱機關槍兩挺

輜重一部

第二支隊 長卓仁機

步兵第二營

野砲一門

機關槍一連(缺機關槍兩挺)

工兵一部

輜重一部

別働支隊 長陳學順

軍士大隊

山砲一門

水機關槍一挺

步兵第三營屬梯團長直接指揮

本日全部由龍眼洞出發命盛旅長榮超率第一支隊全部先赴東華庄任前方警戒部長率梯團主力前進太和墟留一部駐龍眼洞任後方警戒旌旗整肅遂向長途矣是晚先頭部隊抵東華庄宿營本軍次太和墟

部長此次率隊出巡雖事出倉卒純爲愛和平合道理之行動尤無與桂粵軍衝突之預料不意粵中當軸聆此情報大爲疑異除當日開赴韶州粵漢鐵路一帶桂軍福軍主力外督軍署復下緊急動員令調桂軍各路統領計沈鴻英所部四營湯錦龍三營呂定國三營黃如雲兩營申葆藩兩營俞炳倫三營江永隆三營黃業興三營旅長莫正聰所部壹二兩團黃雁賓一團盧炎山一團鄧文輝式營邱渭南六營魏邦平四營另游擊隊三大隊李福林三營統共桂粵軍約五十餘營以沈鴻英爲前敵總指揮邱渭南爲前敵總司令另調惠州劉達慶所部四營由河源新豐連平出翁源始興間扼駐要道大有準備作戰以圖包圍隨從部長各軍模樣又囑肇軍圍攻駐四會廣寧之滇軍肇軍以與滇軍迭同鋒鏑之故頗慎重出之

二十六日午前六時出發第一支隊由東華庄進駐福源水部長及主力在(龍眼洞)由秦和墟經高增墟東華庄抵平山宿營本晚所得情報如左

(一)新街車站駐有福軍一營在花縣各屬之福軍紛紛調集新街附近

(二)軍田車站有魏軍兩營駐紮停宿車中

二十七日部長以原駐花縣之滇軍四十一團第一營段相才所部既經開赴英德羅繞道花城之必要遂令本晚駐平山附近宿營就地休息一天惟別働支隊及副官陳紀方羅翹秀另有特別任務是晚八時所得新街方面情報如左

(一)樂同車站附近之鐵道電線均被破壞粵漢車路交通驟斷

(二)二十六日午前十時有福軍三營開赴高塘

(三)塘口現無軍隊駐紮

(四)大塘新街一帶(又名新民埠)有福軍六七百人

(五)駐鍾落之福軍約一連(二十七日)經過東華庄開往何處未詳

二十八日盛旅長率第一支隊向銀蓋坳鐵路前進時接報告該處車站已有軍隊駐守並破壞鐵道及電線交通因開赴西坑停止待命

是日午前七時部長率別働支隊並內衛隊由平山出發經兩龍福源水富南庄抵西坑宿營

部長令別働支隊由丹竹壩經黃坭塘出源潭登江附近偵察北江情況令李梯團長率所部前進福源水待命本晚得同樂方面情報如左

樂同附近交通阻滯後新街新民埠一帶商民異常驚恐立即閉市駐該處之福軍亦全副武裝四出梭巡火車停止開駛

又據卓支隊長由福源水呈報情況如左

(一)附近各鄉村間有槍土匪悉被敵軍招納數約二千人上下有協同抵抗模樣

(二)本日午後二時有四火車桂軍約一營之數開到新街該處原駐有福軍一營自桂軍到着後即有一部向我方面前進至橫潭與我龍口之大排哨對峙時

(三)野炮已於本日運到福源水對於新街軍田花縣方面已嚴密警戒平山後方仍留一部警戒

廿九日晨別働支隊長如部長令率支隊向青龍崗源潭方面進發部長亦率本隊續行別働支隊前隊行抵黃坭塘附近有該處之警察民團百餘人扼守正面隘路及左右高地防阻進行陳支隊長遣員曉諭不聽擊潰之復經過黃坭塘向前方驅逐前進方至青龍崗高地附近時遇穩幫統率兵一營及滇軍廿五團一營警察游擊隊若干向別働支隊攻擊因陳支隊長用號音調各連集合待命增援不及遂撤回黃坭塘東端高地與該軍對峙報告於部長部

長以桂軍來攻必係督署有所誤會或別有用意遂令回進西坑附近宿營集各部隊長官商議應付焉

三月一日部長令梯團主力移駐福源水附近佈置與對於平山花縣軍田方面警戒之第二支隊互相聯繫稍待情報由西坑至福源水純爲隘路兩岸高山行軍困難防備較易西坑爲通銀盞坳迎嘴源潭三處之輻輳點隨令第一支隊對三路擇險警戒該支隊受教育之日尙淺槍枝復雜故令服此任務

二日午前八時部長偕盛旅長何司令李梯團長赴福源水前方野炮兵陣地召集卓陳兩支隊長視察指導一切軍隊移調布置就緒甫返福源水時接陳支隊長金瑞由丹竹壩方面遞呈報告黃坭塘之敵已與我軍步哨開始戰鬪現率本隊增加正在劇戰中部長據報命何參謀迅赴福源水前方調水機關槍一挺內衛隊士兵一排向西坑方面增加正面陣地頗形堅固敵軍以黃坭塘鄉團警察爲鄉導約計兵力三連來犯比被擊退午後一時沈鴻英所部楊錦龍率三營增援一部聯合黃坭塘之敵施行攻擊另以大部隊由銀盞坳襲擊我丹竹壩左側方面是時我軍以機關槍掃射甚有効力敵軍以數倍兵力包圍第一支隊部長據報以我軍朱師長所部張旅旣被肇軍阻隔恐非日間可出鐵路附近目前判斷敵軍主力必在新街軍田源潭一帶我軍乘勢由從化佛岡中間地區進佔翁源出英德附近遙與四會廣寧並始

與南雄相策應較爲有利李梯團長遂令卓支隊長速赴野炮兵陣地令向由福源水通西坑之隘路附近之敵猛烈射擊蓋該炮兵陣地正面既可掃射軍田平山兩龍花縣一帶後路可逕射凹口方向洵最良陣地也殊卓支隊長抵炮兵陣地時該排長已卸炮門遁去梯團長接報憤怒追捕而殺之復令警衛第三營迅速開往蘆下準備宿營並以一部在百步梯及涇江附近對李婆洞及花縣方向分別警戒各部隊隨次第開赴蘆下時風雨交加氣候寒冷行軍作戰均頗不便行李輸運尤爲困難沿途經過頗呈狼藉之狀各高級長官督飭整頓始稍有秩序然已不易也是役我軍有一部由福源水退却時因失聯絡誤入花縣境被該縣知事留難致勇敢之士兵遂暫爲羈縻矣

二日夜接情報敵軍分三大部隊追蹤我軍第一線魏邦平所部第二線邱渭南所部第三線盧炎山所部約計兵力十營等語三日午前二時李梯團長令別働支隊爲前衛卓支隊爲後衛由蘆下北端集合向從化方面出發風雨未息天色甚暗雖有嚮導莫辨路徑出發兩小時始行數里時將五更昏暗益甚坭塘水田朦朧跋涉方向模糊各隊多失聯絡行進極形困難而深山窮谷中犬聲嗷嗷人聲嘈雜尤有令人顧慮之處部長步行在後睹此情形命各隊停止待命維持行軍紀律規復距離禁止談話而自率各高級官擇一茅舍暫駐焉及拂曉始令續進道路休息寒氣逼人各將士戰慄之狀多少人色其辛苦如此然各軍精神團結準備作

戰無稍懈者是日經過各村市多燃爆竹歡迎毫無驚異午後二時抵鰲頭墟該處知部長至團保局及各鄉鎮耆老更招待殷勤本晚第一支隊別働支隊宿八仙橋部長並梯團司令部步兵第三營宿鰲頭墟第二支隊宿距鰲頭墟十里之中學堂附近對於蘆下方面任警戒其時追擊部隊相距猶尙遠也

四日晨部長見各隊軍容不整士兵疲憊頗有令各隊休息一天以資整頓之意別働支隊長陳學順第一支隊長陳金瑞聞信馳返請示於部長謂此地無高山大川鮮險可守森林村舍複雜地方遼濶我軍兵多械缺作戰不易曷若誘敵入險擊之部長然其說令向距從化城北方二十里之蔴村前進各隊荷戈負戟復向長途矣午後一時經棋杆墟是墟距鰲頭墟三十里村民純李姓者軍隊未至先備壺漿以待有一婦人着淡黃色外套貌與鄉婦異立道旁燃爆竹迎察其貌似有愁腸者何司令子奇周副官長氣銳策馬詢其故婦哀訴云我本東堤妓女被騙來此以四十金鬻之於鄉翁到此以來鄉翁極虐待願貴軍憐之許我以俱則結草啣環等語何司令聞而諭之本軍紀律森嚴爾雖情苦可憫焉可借而行者旋呼鄉翁至給二十金囑勿虐待該婦復囑該婦善事鄉翁焉鄉民集觀者如堵然皆稱頌不置也大休息後繼續前進棋杆墟之居民歡迎若此以爲前方無事矣乃午後三時別働支隊與第一支隊行近蔴村時鄉民不明爲本軍經過鳴鑼聚衆施放土炮及舊式槍炮對我先頭部隊射擊防阻進行

移時土炮聲遍聞數十里如械鬥而各鄉村之角聲斷續頗呈奇觀部長令梯團後衛佔領中間一帶地區對熬頭墟方面及左右兩翼後嚴警戒支隊長陳學順陳金瑞督隊極沈着不應一槍一面專員持部長名刺入村內曉以來意軍醫處長侯澤民中校副官張弛炮兵連長李師懇復軍騎馳往晤鄉耆蔴村紳董遂欣然出而歡迎各舖戶亦開市餽送酒肉招待殊優鄉紳李瑞呈等數人復次第謁部長表示誠意並論大局粵局稍明政治意味部長謂北方軍人違法演成南北分治之局南方軍人跋扈復演成內部分裂之漸此我國所以難治也粵東本多賢哲然人民猶陷於水深火烈者蓋有由來今後能否出水火惟視桂人之學問道德與良心何如耳聞者慨歎不已旋辭去是日部長因奉到軍府岑總裁手諭特派熊秘書公福賚書返省陳商一切其時熬頭墟棋杆墟一帶已有追擊部隊駐紮使命往還極爲困難危險然熊君本軍事老革命家履險如夷故一切處置裕如晚七時接報告從化知事携印偕警察離縣不知去向部長蓋知其別有陰謀也

五日午前八時各部隊集合完結部長令前衛先渡河後衛鞏固原陣地用餐畢忽一鄉民闖入部長臥室報告云有桂軍式千餘人距此僅十里狀甚倉皇何司令慮鄉民驚恐慰以本軍作戰殊有把握敵軍即追至亦無妨君等勿驚爲紳商等復語部長曰時已不早請登輿似深恐敵軍追近者部長周旋畢登輿行紳商燃爆竹送之行五里許達渡口士兵千餘人擁擠

於一岸爭先渡行李塞途後方部隊不易通過雖有渡船一隻裝載不多水深三尺餘流復急渡河極費時刻而後衛司令卓支隊長報告至謂有桂軍式三營與本支隊接戰刻正準備側擊等語部長因遣副官朱震赴卓支隊長處令抵抗式小時掩護本隊渡河復親臨渡口命砲兵輜重傷病兵等先渡河出手槍諭衆曰有爭渡者處死刑軍心始定而後方槍聲漸近部長深慮之乘洋馬渡彼岸命沉舟令官兵盡徒涉未十數分鐘全軍渡河畢飭整隊按行軍序列續行何司令李梯團長各率壹部擇要地收容後到各部隊時後衛已漸次向兩翼退過河東敵軍百餘人由正面追蹤至渡未濟我機關槍連轟擊之傷敵拾餘人退回麻村出巡軍遂逐段開抵良口墟宿營本晚李梯團長自率步兵一連水機關槍一挺任後路警戒夜深與敵軍要小部隊稍有接觸擊退之

順六日午前四時由良口墟東北端道路集合出發各部隊長官以敵軍連日追躡殊屬可惱求部長許在良口附近與敵一戰諾之令卓支隊爲前衛別働支隊爲後衛密授陳支隊長學順意旨陳支隊長如令佈置希有以大挫敵軍者至午前八時李梯團長率警戒部隊退過後仍不見敵蹤陳支隊長以本日起赴呂田路程甚遠因撤隊隨梯團主力掩護前進迨午後二時後衛登大窩嶺山頂休息時據瞭望哨報告山麓深林中有白邊帽藍邊帽之軍隊數十人出沒陳支隊長用遠鏡觀察果如哨兵言且後方有大部隊續至遂欣然令所部佈置於隘路口

設伏兵於兩側高地後敵軍旋買買然來其前兵行距水機關僅二十餘步伏兵出擊之敵警竄傷亡頗衆棄槍枝十餘桿子彈千數百顆而去敵蓋以爲福源水接戰之後出巡軍已失戰鬪力儘可任意猛追殊不知非爾也別働支隊本多辛亥以前之老兵經驗甚富尤爲沉着時咸欲逐敵於良口外陳支隊長止之獲敵兵數人曉之曰貴軍非盡能戰勝本軍本軍原非欲與貴軍接戰耳今釋爾回可告爾長官勿爲已甚者復令所部撤去陣地向呂田前進而第一第二兩支隊已在呂田附近準備宿營警戒矣是夜部長宿福音堂該處教士與紳董見兩軍接近慮有戰事婉商之於各高級官得費部長函赴桂軍處晤呂幫統呂謂敵軍來此係奉督軍命令李部長鄙人亦素欽佩滇軍問題若部長能讓步者因易調處云該墟紳董多屬文人深明事理念出巡軍之原委頗表同情之感其招待尤爲殷勤也本晚得省城報紙數張知桂軍調動大概步兵第三營官兵頗露憂慮之狀部長立命遣散之旋據土人報告由呂田通從化翁源信豐各要路距呂田二三十里處不等均有滇粵桂各軍三五營駐紮部長疑之飭捉土民數人引官兵分途偵探則所稱敵軍者僅警察鄉團並桂軍兩三營耳軍規不整蝟宿於一處並無作戰準備遂飭約二三紳董詢問決定次日進行之道路

七日午前二時集合於河州令別働支隊爲前衛卓支隊爲後衛先後出發是晚月朗星稀萬籟俱寂河流紆曲山徑崎嶇跋涉雖難聯絡尙易且經過之處椰落稀少鷄犬不聞尤覺安全

可恃至拂曉則已行數十里達翁源境界矣午後三時抵沙田市部長集各部隊長官討論嗣後之處置有云宜取道信豐經贛邊長寧赴嘉應州與贛軍合者有云宜逕由信豐繞贛邊赴南雄始與者何司令尤主張前說部長聞諸將語殊形不悅謂予輩此次出巡在出鐵路中段策應始與四會兩方現爲情勢所迫雖難兩方兼顧總須與一方會合庶不失出巡價值而尊重莫帥威嚴維持綱紀之目的亦可達幾分現決定先赴翁城遇困難危險予自有以處之各將領聞言形色一振僉言部長決心尙如此職等赴湯蹈火更何敢辭我軍本旨在求戰而非避戰現敵軍圍繞兵力雖厚戰鬥力薄何難與之再決雌雄部長旋令副官處致函翁源縣知事爲本軍準備宿營並修書駐翁城滇桂軍各將領謂本軍隨部長出巡假道翁源希勿誤會等語又電約李武成到翁城會商此計畫遂爲韶州所知矣各部隊隨宿營沙田市準備翌日向翁源前進

八日拂曉由沙田出發部長密令前衛向廻龍前進而自率梯團主力居中指揮行十餘里忽陳支隊長金瑞遣員報稱赴翁源以經青塘爲便捷此路乃通廻龍者繞道數十里云各部隊長官多請變換行軍序列逕向青塘部長則仍命別働支隊繼續前進蓋部長之意已別有所在也午後四時抵廻龍時得報周陂龍仙壩子墟一帶敵軍均移翁源集中其原駐翁城之滇軍則向青塘前進以爲出巡軍必假道該處矣副官處復遣得力士兵分途偵探本晚遂宿營

是處焉

九日午前八時盛旅長何司令李梯團長暨各部隊長官約集部長所宿關帝廟請示進止多數意見以翁源之敵已增至十餘營良口方面之敵亦有向呂田前進情報我軍進取翁源宜先切實偵察本日即在迴龍或前進青塘以待確報等語部長謂在此休息不如向壩子墟方面轉進數十里至周陂再行決定一切動作尤爲妥當以由周陂赴翁源比之迴龍無異而給養警戒均較便利至必要時向始興前進亦易處置現敵軍主力多在翁源縣城及從化縣境周陂龍仙壩子墟等處通始興本道及由翁源通以上各處道路敵軍必無多兵力防阻有之舉全力驅逐亦易事也各將領欣然立飭何參謀率兵士一部留迴龍警戒牽制兼接受各方情報命奏緊急集合號不十數分鐘各部隊遂整整齊齊如令向周陂前進午前十一時大休息後部長令別働支隊爲前衛派盛旅長先行指導蓋預期周陂有戰事也午後一時通過距周陂十餘里之隘路是處兩側高山亘綿數里且多絕壁中間河流隔絕聯絡不易部長語諸幕友曰此處若設伏者則應戰極難復飭隨行各參謀副官留心觀察並令後衛特加之意旋續行出隘路口則聞周陂附近有槍砲聲矣部長率衛隊前進分別令大行李停止于河洲叢林待命令後衛移主力出隘路口以一部扼隘路後警戒令陳支隊長金瑞警戒本軍兩翼後並抄擊敵軍兩翼至中途接盛旅長及前衛司令陳學順報稱周陂附近有敵軍數百人防我

前進比展開占領陣地攻擊敵人敵勢不支已分向墟內及山陂深林中逃竄現正從三面包圍等語至午後五時槍聲漸息敵多潰散有敵軍幫統呂定祥率兵數十人匿當店士兵偵知圍之呂幫統遣排長王某出降並乞寬宥部長依盛旅長何司令官之議綱開三面盡釋之店內搜出槍枝數十桿七九彈二十箱毫洋叁仟員此外馬匹軍需品稍有所獲據降將王排長供稱本軍係廣東陸軍游擊第二第三營歸惠州劉達慶節制原紮龍仙奉令開回周陂防堵不意大軍至此如是之速呂幫統得蒙釋放甚感殊恩排長出自綠林少有學術願効驅策帶罪圖功部長飭留之爲嚮導而周陂戰事之處置遂奏完功本晚各部隊就原地徹夜部長令第一支隊對翁源本道嚴警戒並令各部隊準備拂曉戰旋得報由翁源方面增加敵軍滇軍第十壹團兩連中途聞我軍已佔領周陂復向翁源城退去矣

十日拂曉盛旅長令各隊搜索村落畢奉部長命向龍仙前進原擬取本道因恐途中搜索需時復令第一支隊爲前衛繞道梁莊前進正午抵梁莊山麓森林開濶地大休息軍士大隊頗鼓譟有稱數日未盥者有稱昨晚未用餐者有報槍枝損壞不堪用者有嚷我打開周陂而他人獲利者蓋軍士大隊自黃泥塘福源水兩次倉卒退却伙食挑遺伙夫逃亡尙未補充途中皆由他部隊接濟故沿途給養多不及時報告達部長命內衛隊將七九槍盡換軍士大隊每槍發彈五百顆士兵欣然曰有此槍枝我輩願盡任先鋒雖千萬人吾往也午後命軍士大

隊爲前衛向龍仙前進過梁莊休息時因山坡起伏極複雜部長派輜重兵一連任左方警戒該連長忽惶惶報告曰有敵軍百數十人由前面高山向我軍前進其實乃前衛派出搜索部隊經過一時行李輜重紛紛移動幾草木皆兵矣李梯團長見狀馳至率內衛隊佔領左側高地警戒偵察旋鎮定之三時抵龍仙獲偵探數名搜出李根源懸賞通緝部長朱師長之文告一件研訊後釋焉十一日午前四時由龍仙出發仍令別働支隊爲前衛卓支隊爲後衛梯團主力居中輜重隨之途中渡河三次河面均寬達十餘密達水亦深船隻無多行李擁擠各高級官分任監督徒涉故進行尙速十時至岡尾觀者如堵緣是處乃大市場也前衛司令頗欲在此大休息俟軍醫長謂壩子墟爲交通輻輳點彼我所必爭刻據土人言前駐壩子墟由韶州派來之滇軍雖有調回翁源之說未可斷其不復來且翁源距壩子墟僅八十里較由廻龍前往尤爲便捷云前衛復冒雨續行至三時抵壩子墟軍士大隊各連均擇市內寬綽處駐紮部長趕至力戒不可約陳支隊長謝副隊長登通翁源本道之左側高地視察授以任務命立移各連于前方分區警戒復召集李梯團長卓陳兩支隊長授以機宜並應戰轉攻之法蓋敵軍若由翁源至此極易遮斷通司前至始興之本道不得不稍加注意也四時報軍政府特派代表吳復初劉問之張守初三君至晉謁部長詳陳岑伍林各總裁希望調處厚意部長推誠接待修書數通轉託代達晚七時接探報距壩子墟二十里松塘附近由韶州派到敵軍千數

百人內以工兵營及十一團主力爲骨幹等語部長置之蓋已有布置也

復岑總裁函

吳張劉三君來傳尊諭銘感無既關於應付湘局及處置滇軍事在鈞力能負責者自當遵照辦理然從公數年才拙贊襄無裨大局此番又復處理未善至勞調處撫躬殊自愧也

復伍總裁函

奉教承示南針感懷高誼敢不勉從此次倉卒出巡道義上實有不得不然者若專計成敗則國家之進步未必可期在粵數年諸蒙提挈而當茲紛拏才短莫能應付殊愧無以慰我公也

復林總裁函

奉教承勉勵並示周行感公厚意難以筆述大局進步可望內部意見自宜融和調處滇軍事在鈞苟能負責者無不勉從尊示但護法之軍府軍隊之系統似亦宜兼顧我公道高望重此則尙希維繫者鈞才拙亦不喜處世此次倉卒出巡若或無罪稍俟時日當辭去也一切仍託三君代陳素承厚愛憤激之辭不能自秘

復林隱青鎮使函

奉手教責備嚴實愛之甚此次倉卒抱病出巡距敢好事實在道義上人格上有不得不然

者詳情知已邀亮察現一切事在弟可以負責者均勉照各總裁所商辦法處理藉裨大局但賤恙久拖難痊斯事稍稍結束或飄然遠去癸丑之耻不必雪而此番之酷待則不可不稍圖酬報也

復李印泉函

奉手書殊增慚感前已致電並專函武成弟商酌一切迄未得復滇軍兩師整理至斯殊不容易滇軍與桂軍久賦同仇共扶大局尤不易得稍有不洽弟豈獨不痛心歟現一切在弟能負責能疏通者無不依照各總裁意旨進行但公亦仍當長思也此行沿途經過頗增經驗惟各縣區所到處張貼告示謂公與日公懸賞五仟員緝拿益之與弟此番處置未周固不敢謂無咎然對我公則始終均懷推重之意公之處置太狠毒本日借諸將士抵始與邊境幸過數關矣此後之一關當與足下決之

十二日午前七時適各部隊行李尚未畢松塘敵軍已前進與別働支隊接觸槍聲隆隆似劇戰各部隊依預定計畫展開應戰李梯團長率卓支隊擊敵左方接近而正面鎗聲已停接別働支隊長報告敵軍由正面來攻者係滇軍步兵十一團屬盛旅長部下官兵均明大義特請准其歸順部長因派盛旅長赴前方招撫盛旅長當馳赴十一團佔領之陣地曉以綱紀官兵舉鎗以迎聞旅長之言聲淚俱下均稱被現任逆團長何福昌逼迫而來本營營長又與何

今准開既
與近在咫尺

逆爲伍副營長願率所部倒戈相向以贖前愆盛旅長嘉慰之正招撫間敵軍左翼鎗砲聲復作察係何逆率工兵營並砲兵來戰彼恐十一團投降陷于危險希圖遮斷通司前之道路李梯團長卓支隊長迎擊之大雨連綿激戰六小時敵勢不支向松塘方面紛紛潰退李梯團長以奉到部長命令由左翼逐次撤退未加追擊正面別働支隊與第十一團部隊各守原線並未發一槍士兵尙明大義一般滇軍無識長官背叛唐督命令甘心向賊者能不愧乎是役敵軍傷亡五十餘人出巡軍傷連排長二員機關槍七十一名士兵十三名李梯團長卓支隊長始終亦在前敵砲火被彈面危險界內故有報李卓陣亡者部長聞訊悲駭旋李卓策馬至報告經過始釋然二將每戰必親臨前敵其勇敢可知想知也午后三時抵魯溪用早餐各部隊次第開至得報告駐隘子滇軍第六團一營官兵憤恨本營營長附和李根源背叛唐督令我等自相殘殺日前由韶領到兩月薪餉乃將營長綑縛全營拔隊赴始興仍服從魯旅長節制云各官兵聞此消息精神益振四時由魯溪向李嶺前進兩村距三十里魯溪在山麓李嶺在山巔山徑崎嶇傾斜甚陡輿馬均不易行路輻雖寬然官兵經十餘日行軍作戰疲憊之後跋此關山其困難有未可以形容者密電處長楊述凝身體文弱辛亥以還贊勳帷幄部長深倚賴之自抵孺子以來行止倉忙未用飲食者已一日然戰勝不爭先失利不恐後殊非盡人所能爲部長見各官兵困苦奮鬪之情狀恆慰勞之蓋部長每遇官兵疲困危險之時必有以

安慰將士用命良有以也六時半輜重與部長隨行各部隊抵李嶺村風雨交加寒氣逼人幾不可耐人民不知爲出巡軍經過逃避一空惟見沿戶扃門而已部長以天色昏微令輜重前進五里宿營部長偕盛旅長擇學堂空室暫駐時何司令李梯團長卓陳各支隊長尙未至部長飭派員途迎無應者蓋疲困極矣本晚原定前進十五里屬虔南之古家營宿營因恐大軍星夜開至居民驚恐遂決定翌日拂曉通過古家營遇北軍大部隊則周旋遇小部隊則借用槍枝焉

十三日午前四時各部隊集合後部長令照戰備行軍向古家營前進八時抵該處土民間部長統軍至甚表歡迎然覩士兵振衣肘見軍容不整又現駭異之狀各將士屬贛籍者則不免動桑梓之感蓋自癸丑湖潯舉義後或奔走國事或游歷外洋未得回故土者數載于斯亦無怪其然也早膳後囑紳董僱土人數名引導前進道路崎嶇川流彎繞一河而須數渡無橋樑舟楫可以利用大雨之後山水陡漲流度極急人馬徒涉倒溺于水者時有之兩岸懸崖森林叢密路輻窄隘寬不盈尺且崩塌之處甚多而大樹叢棘橫亘於路尤爲進行之障匪特炮車輿馬輜重絕對難行卽徒步亦不堪其攀登之煩者微雨霏霏新泥滑滑乘馬三十餘匹半墜深山窮谷中挑夫亦有跌斃者洵絕見之險道也行四十餘里出隘路口抵始興縣屬之都亨則已黃昏矣本晚宿營是處村民貧瘠家無積糧故購米不出至晚十一二時各部隊始獲

用晚餐咸欣然鼓腹焉

十四日晨盛旅長何司令偕別働支隊先行部長於十時出留卓支隊駐都亨發警戒午後三時出巡軍主力次第抵羅壩市盛旅長先至該市時即修書遣員赴始興通報楊魯兩旅長及夜深衛兵報魯旅長至晉謁部長於臥室魯貌頗不豫似抱歉仄者畧稱部長維持綱紀跋涉山河備嘗艱險遠道蒞止材等以交通阻隔莫由遠迎至用抱歉然有不得不爲部長直陳請示者日前楊竹君召集各軍官研究解決滇軍方法多數贊同平和應付並擬請檐帷暫駐昨竹君曾派兩連赴深渡水附近候陳衷曲今部長既安全至此滇軍將校非部長門徒亦屬舊部當然歡迎但未審偉見如何願聞其畧材夙受薰陶今蒙器重所部兵力雖少訓練尙精謹當奉令承教尊崇唐督威嚴顧全個人人格成敗利鈍非所計也部長以滇軍內部搖動世道衰頹人心險詐惟圖權利罔知道義不禁一概指魯云滇軍事起予扶疾出巡其用意想爲諸子所了了辛亥以還連年戎馬苟可和平誰復不愛然爲維系統護國家有不得不戰時又奚可避君等之意予已深知毋須多贅魯復欠身云部長高義薄雲材謹代表官兵全體歡迎請卽命駕部長一笑置之謂予由贛園出發隨行將士無多承莫日初李印泉厚意派兵數十營護送至此尙何不可了之事諸子處茲亂世須予指導者予固樂爲苟諸子能應付得宜獨當一面予尤深喜至予自處勿論斯時是否困難予自有方毋勞過慮予忝長參部冒險奮鬥若

是對國對滇對諸子已可無愧第事機多失於躊躇信用難得而易失丙辰護國諸子隨我東出經幾番血戰磋磨造成今日之地位能勿有初鮮終保存人格即所慰也隨就臥洋洋赴華胥鄉矣出巡軍各將領聞之大憤部長溫言慰之

十五日早膳後部長召集各部隊長官告以魯旅長來意研究以後之行動各將領均請在羅壩休息一天沉靜以觀究竟因令副官處多購酒肉犒勞士兵各士兵擦拭槍械洗滌衣衫若忘其爲困苦者迨午后七時楊旅長專員賚文至呈遞部長則歡迎書也詞甚誠摯恭謹昨魯所陳各節殆其應付之苦衷歟部長遂決定于次日偕各高級官並軍士大隊第一連赴始興命李梯團長督率各支隊在羅壩任司前古家營兩方警戒並爲移駐馬子坳附近之準備李梯團長已如命布置復派伙赴壩子市迎接傷兵回營醫治掩埋斃鳥破壞道路斯時南雄成枕已派兵一營進駐澄江李梯團長恐其誤會遣書曉之

十六日午前九時部長偕各高級官參謀副官由羅壩出發午後二時抵周所休息整隊續行至縣城附近魯旅長率第六團官兵迎於郊外旅長參謀引部長至第六旅司令部小憩移時楊旅長偕督署代表甘日暢並馬濟代表某君晉謁各述直轄長官之意部長亦推誠周旋知其中深有用意也旋與楊魯兩旅長討論一切計畫後赴城外劉鎮營福音堂駐節晚據滇軍各軍官密報則督署已以南韶連鎮守使及靖國第一軍總司令等名目許楊君矣

十七日由韶州派赴司前駐紮進攻始興軍隊步兵第六團第一營營長胡國秀集全營官兵朗誦唐莫帥迭頒命令並宣布李根源種種罪狀官兵大憤胡營長隨率全營開赴始興而官兵激昂不可遏綑縛僞團長張沛澤團附長楊萬鎰等數人押解旅部籲請從嚴懲辦始興增此一團勁旅非第足以壯士氣實足以寒逆膽韶州聞報以軍心向滇大事已去始稍戢陰謀無復前此猖獗是日部長致電數通如下

致軍府電

迭陳函電計邀鑒察鈞於本日抵始興得聞滇軍事將由軍府主持會商唐總裁莫督軍允妥處置私心竊慰竹君梓楠兩旅長及諸將士素明綱紀均願靜候明令遵行湘中風雲有無變幻出師計畫如已確定尙祈見示或可勉爲勦助也

致軍府代表吳劉張三君電

日前勞駕甚懷高誼鈞於本日抵始興沿途經過頗有風景宜人之感聞台駕不日來興起程有期尙祈見示以便專員迎迓

致成谷采電

前得覆電益增感慰鈞於本日抵始興滇軍事已由軍府主持商會唐總裁莫督軍日間即可平允解決此事關係滇督統系問題兄坐鎮邊陲正易穩靜應付也

致李印泉電

前託問之兄轉致一函計達籤席弟於本日抵始興如有委託仍請隨時見示弗渝往昔若能派武誠弟到週田江口間則當赴前方一晤也

致蔣次長電

到來二十餘日頗增經驗茲於本日抵始興跋涉雖勞身體尙健祈轉告諸友弗以爲念是荷

十八日楊旅長將第六團附逆軍官數人押送部長行署比飭由別働支隊轉解羅壩梯團司令部看管待遇尙優每賞酒肉時該叛逆等慮如前清臨刑賜酒食之例輒涕泣隨之哀求寬宥然未審其有無悔悟心否也

十九日午前九時部長偕參謀副官赴前方各要地視察晚七時召集軍事會議草示衛戍計畫如左

一、據步兵第六團胡團長新得韶州之電報韶州對始興尙在計畫作戰其兵力魏邦平部在司前沈鴻英部在蜂灣呂周兩幫統所部及二十五團之一部在週田大橋附近三十一團在仁化附近并欲利用南雄成部牽制始興義旅

二、本軍以服從唐公命令希望平和平允解決滇軍全部問題爲主旨擬先鞏固南雄始

與之局勢以俟軍府海軍與督署之調處

三、由江口經過田大橋通韶州本道由步兵第三十六團警戒另派一小部爲監視部隊赴苦竹附近監視由仁化經百順司至南雄之小道至緊要時則遮斷之并對於仁化方面駐在軍隊之動作與該方面之地形通爲適當之偵察（但三十六團兵力如不敷分配則監視部隊由三十三團派出亦可）

四、深渡水經司前赴壩子本道道路崎嶇地形險要由三十三團派一部駐在深渡水及其以前地區守備如司前已無他種軍隊可由該處選分一部進紮司前遙遙警戒并偵察翁源及經大坑小坑出烏石附近一切之情況又駐深渡水附近之軍隊宜確實與駐在羅壩之支隊聯絡之第二十旅主力爲總預備隊在始興附近但大坪方面之警戒仍由該旅一部担任之

五、警衛混成團以一支隊駐紮羅壩都亨附近警戒切實向深渡水附近之部隊取聯絡以主力協同成軍并第六團鞏固南雄

六、第六團迅速開赴雄城協同成軍鞏固始興後路并爲接濟之準備

七、步兵第十一團一部屬盛旅長指揮駐在石村沈所墟附近準備調遣

八、關於鞏固南始局勢應處置一切事宜統由楊總司令主持盛魯兩旅長協助處理之

九、特種兵隊由楊總司令斟酌分配

十、在各處前線警戒部隊須嚴密稽查奸細嚴懲騙誘遇有來歸義之軍隊并當審慎眞偽斟酌處置之

十一、接近始興附近各要點宜由楊總司令派出盤查警戒哨

十二、關於給養衛生事宜彼此協力辦理

二十日各軍隊長官次第晉謁表示歡迎請授方署部長咸殷勤勉勵勞兼之復派盛旅長代表赴各團營訓示士兵知部長至皆欣欣然希得以展其懷抱者午後六時據江口報告由苦竹前進之敵有一部與我軍開始戰鬥楊旅長由冷田晤沈鴻英回已以衛兵增加作戰云二十一日拂曉部長命派步兵第六團分遣一部由斜塘經馬市向南雄方面扼險防堵午十時據江口前報告敵軍步兵第二十五團及步兵第三十一團並桂軍兩營在馬眼村附近向我軍陣地攻擊我前綫陣地佈置機關槍八挺向敵掃射頗稱堅固晚七時囑魯盛兩旅長赴前敵指揮派軍士大隊由老黃塘向敵圍攻派三十三團一營增加江口正面待各部隊到齊協同反攻命水南黃所方面之部隊任側攻晚十一時據江口前方報告敵軍二十五團并三十一團已爲我軍擊敗冷田方面之敵明火登山欲包圍水南陣地胡團長保營長飭士兵隱匿待命敵不敢進亦退去又據羅壩方面李梯團長報告都亨前方車八嶺到有桂軍數百人

有前進模樣已派部隊前往都亨警戒

二十二日午前十一時據江口魯旅長報告敵情如左

一、敵軍於昨晚三句鐘明火向苦竹方面退却

二、現在派第六團第一連向苦竹方面大道追擊前進

三、其餘部隊亦陸續準備前進佔據對苦竹方面之良好陣地以待後命

江口爲始興咽喉李根雲趙德裕率兵犯此攻擊點之選擇甚得要領惜士不用命

且三十六團團長楊青普已預爲布置如泰山之不可撼焉

午後四時十分據李梯團長報告都亨方面敵情如左

頃據都亨墟前方黃竹坑土人報稱有黑邊帽軍隊約千餘人已至黃竹坑距我軍步哨線約五里許惟尙未接觸並聞古家營之滇桂敵軍今日已向都亨前進尙不知現抵何處再由都亨通羅墟之道路由車八嶺黃竹坑皆可斷我交通請從速派隊接濟並防止敵人斷絕都亨經壩子墟交通已派第二支隊第一連附機關槍一挺警戒距都亨十里之道路相機赴都亨助李連驅逐敵人特此報告六時十分軍政府特派吳李劉三代表來始興調停戰事面謁部長并晤楊魯兩旅長代達岑總裁希望移師援湘之意各將領感西林調處厚意一致承諾各代表遂決定於翌日返省復命并便道往晤沈君焉

江口戰鬪結束後部長囑兩旅抽調軍隊集中始興接羅壩報告已由兩旅派隊增援旋接報駐都亨之敵因無給養復以沈部鄧參謀長命令停戰已撤回司前矣

二十三日部長商兩旅長頒佈攻勢防禦計畫如左

一、依現在之敵情我軍兵力應如左配備

二、步兵第三十三團附礮機關槍若干以主力鞏固長江墟黃所水南大坪之線並與三十六團切實聯絡對於苦竹方面之敵軍鞏固一線之右翼第三十三團之一部爲總預備隊在始興以一部對司前警戒聯絡在羅壩之混成團以一部在老黃塘附近警戒始

興北部

三、步兵第三十六團附礮機關槍若干以全力駐江口附近聯絡援助第一線鞏固馬眼村附近陣地遇敵來犯時相機轉擊之兵力使用以注重我之右翼爲要

四、步兵第六團以一營駐馬子坳對南雄方面警戒並策應羅壩方面又由馬子坳至百順司經未坑堂沈洞村至長江墟之道路宜先時偵察以便戰爭發展時得爲適當之活動以一營在始興附近爲總預備隊至戰鬥開始時迅由羅圍渡河經老黃塘附近越峻嶺向上台村方面攻擊由苦竹來犯之敵人側背或用於其他方面

本計畫以招撫三十一團及二十五團及他種軍隊之一部爲主眼故正面第一線及他

方面之警戒宜確實利用地形及工事斟酌應付之

五、警衛混成團及軍士大隊羅壩附近警戒

廿四日午前十時部長率何參謀及陳羅二副官由劉鎮營出發經羅所沈所至江口偕同第卅六團團長楊青普赴馬眼村附近視察指示移換陣地佔領佈置之法旋接報南雄方面成桃自率一部佔領古朶後時欲進犯始與本日被我軍搜獲成部對始與作戰計畫如左

一、澄江以柏支隊第三營營長翟其清所部駐黃土崙三角嶺一帶以牽制羅壩都亨軍隊并同清化桂軍連絡

二、大樹坪遠逕村以栢支隊第二營營長吳華亭所部擬由頓崗進攻截斷都亨羅壩等處之軍隊不得與始與連絡并可相機佔據始與

三、古朶墟都塘舖柏支隊第一營韓寶壽所部十三支隊全部砲一門擬欲進攻馬市期圖奪取槍枝並表示誠意服從李督辦

四、如各方面失利擬由北山仁化退却與桂軍連絡

五、城內尚有警衛隊百餘人工兵連百餘人爲守城衛戍之用

二十五日午前九時成桃探悉我軍防禦馬子坳兵力只有兩連乘機密令據古朶一帶部隊向馬子坳開進十二時成桃率所部千餘人包圍攻擊馬子坳甚力我軍三七兩連竭力抵抗

我左翼有叛軍熊飛所部土匪二百餘人向我猛進我軍以四名拒之左翼之敵不得渡河午
后二時魯旅長率兵兩連由始興達馬子坳派李參謀正芳指揮雲南數次援川李參謀均任
前敵腦筋純潔氣魄雄厚每戰必克身受五彈而強健如昔軍中咸以福將稱之殲此小虜如
探囊取物故立將叛軍擊敗至古朶分一部渡河驅逐左翼之敵第六團胡團長復由羅壩率
兵至遂協力驅逐是役叛軍陣亡官兵三十餘人負傷五十餘人我軍三連連長頭部微傷陣
亡兵士一名叛軍大潰成部營長莫樹榮率所部五七兩連歸順叛軍退駐古朶後軍心益譁
官兵中稍明大義者均以此次叛命實出於參謀長沈靖支隊附蔣鐵民所爲必須將此兩人
擒而殺之沈蔣兩逆聞耗逃匿我軍追逐叛軍至南雄城外河南橋一帶高地叛軍分數船潰
散沿途遺棄軍用品甚夥成枕與柏方鑫各率殘部紛向小北門西門及賓洋門等處逃竄午
後三時我軍佔領南雄城奪獲槍枝百餘桿子彈十餘箱七生五退管砲壹門收容投誠官兵
肆百餘名部長據魯旅長胡團長報告叛軍由百順方面向仁化退却有請派兵赴百順截之
者部長飭寬厚處之外間傳馬子坳古朶之役皆疑爲始興部隊進攻南雄以爲成性情荏柔
爲部長舊友復隸麾下雖或爲莫榮新李根源甘言誘惑亦何至率兵來犯而不知竟有出人
之常情者可爲世道人心慨也

二六二七等日部長以滇軍事既有結束僕僕至此山川名勝不可不畧事瀏覽以快胸懷遂

約各高級官遊玲瓏巖並古廟數所瞻佛像莊嚴幾於勸破萬有與幕府諸君題詞紀盛把酒言歡尤愴然意遠焉

晚八時奉岑總裁電文曰煊本午抵韶仰企賢勞特遠道相迎祈即日還韶以便偕同回省籌畫一切無任企盼楊魯開拔費業由劉副官長於今晨解往煊遵約遠迎兄必如約還旋何時首途盼復又接代表吳劉林諸君電文曰璋等奉總裁命令來始興恭迎鈞駕并陳要件主座已於本日午後臨韶關等候大節裕現由陸路到平圃明晨起程來始興璋今日在韶關帶餉項乘船前來特聞部長比復岑總裁電極表示感激服從擁戴並即日趨謁之意原電遺失不及備載

當岑總裁未蒞韶州之前部長已接香港密報謂郭復初來粵負有重要任務伍總裁與兩院議長憤軍府專橫粵局黑暗將聯袂離粵另謀建設以達護法目的又接柳州轉到劉興義密電以滇軍兩師向由唐公直轄莫日初不應越權干涉甚不直其所爲滇黔似有出兵協維密紀之意部長以滇軍兩師屬局部問題若因此使西南各省根本決裂或軍府搖動國會星散均于大局不利軍政設施固多詭譎偏倚然之可謂對絕無改良之望且倉卒動員各個作戰亦有可慮復承岑公高誼遠道提撕尤深感念然欲解此糾紛非部長親身返省不可故毅然決定慨然行之

(三) 出巡之結束

二八二九三十等日兩旅將領暨各團營長知部長準備進省節麾遠臨朝夕聚首正幸秉承有自乃形勢所趨驪歌又唱瞻念前途不免有懷難吐遂次第來謁有請暫留主持者有請指示方畧者部長一一勉慰並推測全局與局部之變幻授以應付之方以覘將來各軍官依依不盡之情猶未能使之稍釋也各團營士兵亦有推代表晉謁者部長飭副官處設詞慰之軍府代表吳介璋劉德裕並沈部參謀長鄧右文三君先後抵行營接洽

三十一日海軍部特派副官林翔率海軍練習隊士兵數十名軍政府副官率海軍陸戰一連乘船於午間抵始興懸掛海陸軍旗並歡迎迎帥節旗數面極表誠意部長于一時啓節楊魯兩旅長三十六團楊團長兩旅幹部士兵出巡軍各支隊長暨始興各官紳基督教牧師江西同鄉商人均列隊歡送部長衣軍服步行各官兵多感懷含淚楊旅長更號泣不已部長派高級官慰之至解纜始別去蓋楊旅長隨部長奔走革命多年癸丑舉義丙辰護國以及扶桑亡命南洋穩居均皆與焉其感情固較各軍官尤厚也二時過江口五時泊水南三十三團保營長榮光率領營附連長等謁部長痛論時局並報告此次戰况聲稱敵軍以三倍兵力圍困水南均被擊退官兵咸謂部長由雲南領我等出發到粵支撐大局數載於茲莫榮新以怨報德李

根源反顏事仇爲吾人所不齒職等願効死力服從部長貫澈唐督命令惟朝夕盼望部長下令進攻韶州桂軍雖多素少教練不難一鼓而下士氣之壯較之兩次討龍更甚等語保君明紀律得軍心處事剛正秉性豪邁殊不易得誠營長中之錚錚者

四月一日拂曉啓碇駐水南滇軍列隊河干歡送十時過週田沈總司令已電平圃呂周兩幫統派馬營長率隊護送晚六時各舟泊黃金村東炮台附近

二日六時啓碇七時半抵黃金村部長命官兵由黃金村登陸行李輜重由船輸送至軍橋七游候命九時抵韶州東河壩鐵路基線接報岑總裁已於兩日前因要公旋省特留李曉園王木迪兩君俟駕同行並派黃許兩副官照料一切其時諸幕友以岑公返省必係局勢變動遂停止數分鐘研究諸幕友各陳所見部長則命逕赴車站至則新舊兩鎮守使已派隊迎送部長欲往晤印泉因觸目感懷不果十時開車五時抵黃沙站沿路布置均甚妥適劉副官長注意亦極周到江防司令部派軍艦並電艇接送天字碼頭方軍長蔣次長並部內職員皆出迎部長隨乘摩托車至參謀部休息後赴軍府謁岑總裁答謝厚意並叙離別遂寄榻是處焉丁已護法迎岑公南來出於國會選舉西南推重部長亦最有力者然忠言逆耳既少採納帷幄諸友別存懷抱致玉斗幾碎於范增幕府共疵夫袁紹往者如此今後可知武寧胸懷坦白愛國心長其抑鬱於此歟將遠離粵海別謀建樹歟抑漫遊歐美消磨歲月歟世之希望武寧者

盡拭目俟之（出巡記原，有作戰圖十餘幅，因印刷不便從畧）

朱師長張旅長移師出湘之經涉

自唐總裁頒到滇軍兩師，由滇直轄之令，滇軍將領翕然服從。如朱鄭兩師長張盛楊魯四旅長，尤其尊崇紀綱者。一再宣言，申張正義，李根源聞而忌之，陰謀抑壓，妄思荼毒。各將領遂益爲憤慨，迫爲軍事上之準備。楊魯兩旅在始興，方面時已集中，待命張旅長王團長所部駐分四會廣寧，亦集中會城，以待朱師長。至張王統馭有方，軍心愛戴，故宣布曉諭將士，罔不樂從。其時出巡軍方由省出發，粵政府居心陰險，紛紛調集各路軍隊，數十營追踪圍困，復遣代表運動滇軍將領，許以位置，密派代表游說張旅長王團長，甘言誘惑，均不爲動。則以朱師長不知去向，謂確可服從，督署等語，冀懈軍心。張王又一笑置之，然以朱師長未至，不免顧慮。適朱師長由省赴港，與鄭師長暨在港將校磋商進行，後即於三月二十五日微服喬裝，附商輪冒險前進，抵三水，因前途敵軍扼守，遂舍舟登陸，繞小道而行。鳥道蠶叢，人跡罕到，披荆斬棘，附葛攀籐，僕僕於深山窮谷中，啣枚疾行，惟豪橐履聲與水石激盪聲，森林風葉聲，微相應答而已。如是十餘日，始繞達會城。張旅長王團長聞報，驚喜過望，亟倒屣歡迎，士氣爲之一振。而所謂代表者，初不知及聞之，知數日，煽惑徒勞無益。遂宵遁，時敵焰張甚，層層壓迫，勢即決裂。張旅困處垓心，外援斷絕，戰守均難。出巡軍情狀若何，無從探悉。岌岌甚，惟士氣尙激昂。朱師長

既至乃益振奮三月八日朱師長召集會議決定暫取守勢待機轉攻晚九時敵軍以一旅上下兵力圍攻三十八團之兩連於馬房古廟蓋敵以馬房張軍單薄久懷輕視之心密遣大隊重重包圍意圖威服張旅長早已戒備慮馬房兵單敵必思逞密令該處軍官先將古廟後墻掘穴爲誘敵渡河之計留衛兵二人守古廟設伏于兩側高地以待未幾敵果貿然渡河發槍威脅見衛兵從容退始疑之敵恃其衆復追擊行不數武遇伏兵截擊部伍大亂張旅遠伏壕線瞞敵瞭瞭而敵被創之餘神魂戰慄僅微見張旅軍帽之紅邊不明虛實惟有連續發槍藉以壯膽而已是役敵軍傷亡較多張旅微傷數人因衆寡懸殊未便久戰乃于黃沙黑霧中徐徐退却以兩連兵力禦數倍之衆而猶能從容應戰可以知其程度矣朱師長聞捷慰勉有加仍令固守防線以備反攻旋以孤軍乏援久戰非計若陷重圍轉爲可慮遂決計棄會寧取道連陽向始興方面前進以與出巡軍會合次日拔隊按作戰行軍之姿勢從容進發敵偵知以大軍追擊之朱師長與張旅長王團長嚴勒部曲且戰且走迭挫敵鋒勢頓殺得以結隊前行三月二十日攻克陽山隨分兵進攻連縣該縣原駐二十五團步兵一營頗能戰鬪李根源以其內弟守之聞張軍至登陴拒戰張旅圍攻數日以炮兵未到未能下而敵已調林沈陳各軍共十餘營四面包圍希圖截斷歸路張旅長見敵軍勢大驟難攻下且志不在得城下亦無益勞師耗彈所傷轉多遂於二十七日突圍出欲由星子墟直達始興旋探悉通始興本道有軍

駐紮態度不明各官兵苦戰兼旬疲憊已極亦宜稍事休養請命於朱師長然之二十九日偕張旅長王團長統率全部入湘次師臨武嘉禾間部署既定籌商進行僉以達到始興與楊魯協同動作爲宜三十日朱師長單騎赴郴訪譚公面商辦法並探詢各方消息譚督聞報遣隊郊迎既晤即出軍府調處電文相示且勸息爭朱師長以假道請譚尙未答而湘邊敵軍逼近之報告至乃兼程返臨武四月二十日奉部長手書以稍抑初旨共圖規復湘局相勸勉當即派員赴始探詢使未返復得譚督書謂粵督署已令楊魯爲靖國第一軍正副司令又奉軍府令開赴湘南貴軍亦可開往李部長已于冬日返省云云將士聞之咸知部長此舉非別有計謀必有不獲已者羣情憤慨想念不已未幾果接岑總裁催赴湘南之電朱師長立飭所部整頓待命時部長已否返省始興情況若何關河修阻猶未之知然轉戰千里出入硝煙彈雨中猶能保存廬山真面安全至湘士兵疲勞咸有菜色而精神淬益厲志趣益堅卓以後裨益于大局者正無量聞者輒爲之欣慕慶幸不置焉

李武寧出巡記終



民國九年十月初版
民國十年九月再版

板 權
所 有
審 刻
必 究

編 著 者 警

民

印 刷 者 上海民權印務局

發 行 者 上海民權書報社

分 售 處 各省各大書局

李烈鈞出巡記

全一册定價大洋六角正



#6

486077

486077